

Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De Sancta Dafrosa Vidua Romana Martyre.

[urn:nbn:de:hbz:466:1-72708](#)

DE SANCTA DAFROSA VIDUA ROMANA MARTYRE.

SUB JULIANO.
IV JAN.
S. Dafrosae
natalis,

maritus,

socii marty-
rii;

Sancta Dafrosa *S. Flaviani urbis Prefecti vidua, hoc die migravit ad celum. De ea Usuardus; Item Romæ S. Dafrosæ, uxoris Fabiani (legendum, Flaviani) Martyris, quæ post interfectionem ipsius primum relegata exilio; deinde a Praefato Principe capite jussa est puniri. Eadem habent Martyrologium Rom. Beda, Ado, Notkerus, Bellinus, Maurolycus, Galesinus; hic tamen fallitur, uti et Martyrolog. Germanicum, dum Decii jussu occisam scribit an. CCLVI.*

2 Maurolycus aliud Darfosam vocant, quidam Afrosam, mendose. Meminit ejus Ferrarius in Catalogo Sanctorum Italix; Petrus de Natalibus l. 2, c. 42, ast hic feude hallucinatur, quod eam existimet *S. Fabiani Papæ*, priusquam Pontificatum iniret, uxorem fuisse, et Decii jussu peremptam, cum integro post seculo vixerit.

3 Acta S. Dafrosæ, Flaviani, Pigmenii, Bibiana et aliorum permista sunt, et ejusmodi ut haud levi emendatione egeant. Ea dabimus XXII Martii, quo die S. Pigmenius colitur, licet in Actis XIII Februarii interfectus dicatur, quo die eum referunt quedam Martyrologia. Colitur S. Flavianus S. Dafrosæ maritus XXII Decembris; eorum filiae S. Demetria XXI Junii; S. Bibiana II Decemb.

4 Videntur hi omnes, et alii qui in iisdem Actis mortentia, morantur, sub Apronianu crudeissimo Urbis Prefecto, Juliani tempore, subiisse martyrium. Et Dafrosa quidem post mariti sui mortem, fame primum cruciata, dein Fausto cuidam propinquo suo traditur: qui eam conatus inducere ut sibi nubaret, diisque sacrificaret, ipse met ab ea imbutus fidei mysteriis, a Joanne Presbytero (qui XXII Junii colitur) baptizatus, feliciter in ipsius tyranni conspectu extinctus est. Corpus ejus canibus expositum, Dafrosa noctu sepelivit. Dein in somnis mors, viro suu Flaviano evocata, post quinque dies orans expiravit.

5 Antonius Quintanaduenas lib. de SS. Hispalensis tradit S. Dafrosam ac Flavianum Hispali natos, inde Romanum cum filiabus migrasse. Nititur praecipue Juliani Petri testimonio, qui in Chronico nu. 163, ita scribit: S. Bibiana S. Flaviani Hispalensis Hispani filia, cum patre Romam peti, ibique martyrum patitur patientem cum matre et sororibus. Quanta sit illius Chronicorum auctoritas, nondum discussimus. Unicam Bibianæ sororem Demetriam omnes numerant; plures hic auctor videtur statuere.

DE S. NEOPHYTA VIRG. ET MART.

IV JAN.

S. Neophyta
natalis,

nomen,

Acta,

reliquie in
caenobio Lim-
burgi.

a Conrado
Imp. fundato,

a S. Popponi
ædificato.

Sancta Virginis Neophyta nomen in fastos suos olim retulerat Rosweydus noster, nullo adscripto die: Neophyta V. et M. in monasterio Limpurgensi. Carthusiani Colonienses in auctario ad Usuardum, IV Januarii ista habent: Item Neophysta Virginis et Martyris. Memoratur Neopistis quedam a Baronio in Notis ad Martyrol. Rom. 28 Octob. in Cyrilla: Cyrrille Memmia, Julianæ, Neopistis, ac Sophie Virginum ac Martyrum corpora transtulit Sergius junior in Titulum Equitii, ut vetus inscriptio marmori incisa illius posita testatur. Verum ad quem diem illa Neopistis, quam Anastasius Bibliothecarius Theopistus vocal, sit referenda; an Neophyta sit, de qua hic agimus nos latet. Alioquin idem fere significant Neopistis, quæ recens fidem suscepit; et Neophyta, recensinsita, vel noviter genita, sive quæ recente ad fidem accessit.

2 Cujus vero extiterit S. Neophyta, aut quo tempore vixerit, haud sat nobis compertum. Vitam ejus RR. DD. Canonici regulares monasterii Bodecensis in diecesi Paderbornensi, e præstantissimis suis MSS. codicibus summa humanitate Joanni Gamansio nostro communicarunt. Insunt tamen in ea nonnulla quæ correctionem requirant. Nam quod dicitur mater sanctæ Virginis soror fuisse S. Osvaldi Regis et Martyris, repugnat Anglicanarum rerum scriptoribus. Utid demus, cui illa et ubi nupta orto e stirpe judaica? ut cetera omnittamus. Erit fortasse qui mendax haec, alicunde affusa luce, expurgat.

3 Ceterum Limpurgi caenobii (ad quod translatae a Conrado Salico Imp. S. Henrici successore reliqua S. Neophytæ dicentur) originem ita describit Hermannus Contractus ad an. 1034. Conradus ex castro suo Limpurgo, inter Nemetes et Vangiones sito, monasterium fecit, quod in honorem sanctæ Crucis et D. Joannis Evangelistæ dedicari jussit. Idem ex Hermanno Joannes Cuspianus, Christophorus Brauerus noster, aliique recentiores commemorant. Plenius qui tum vivebat Everhelmus in vita S. Popponis xxv Januarii cap. 9, nu. 37, cum narrasset Episcopatum Argentinensem Popponi a Conrado oblatum, ingeniose ab eo declinatum; subdit, Cesareum quecumque abbatis rectoribus essent viduæ, eas illi committere certatim studuisse: Et primo Lintburg, inquit, in Vosago situm, quod haereditaria forte sibi jam olim in manus vene-

rat, probabilitum cum astipulatione testium beato viro legaverat, et pro struendo inibi in honorem S. Joannis Evangelistæ cœnobio preces intenderat. Qui ex regalium precum edicto, eundem locum, ferarum jam tunc cubile, multo cum labore excolens, servorum Dei convenientius habitacula non villa extruxit, et Christi jugum leve sub monastica institutione ipsis iniecit, tum Joannem nepotem suum tam illi loco, quam apud S. Maximinum Treverensibus præfecit.

4 Quod apud Eysengrenium in historia Spirensi tradit quidam ideo Conradum ex castro suo Limpurgum magnificum cenobium maximis sumptibus ac impensis construxisse, quod in eo nuper filiolum Conradum ex precipitu quadam decadente amiserat; fides esto penes auctorem, qui 500, post Conradum vixit annis. Ipse Eisengrenius Conradum scribit prope Spiram urbem in Limpurgica arce habitasse; quo auctore? Vix tempore caenobii extant vestigia.

VITA

ex MS. caenobii Bodecensis, descripta a Joan. Gamansio Soc. Jesu.

Egregia Virgo et Martyr Christi Neophyta, secundum seculi dignitatem nobilis extitit et gloria, utpote regali progenie exorta; sed multum nobilior claruit laudabili morum compositione, et famosa virtutum opinione. Que jugiter nominis sui attendens proprietatem, sensuum maturitate teneram transgressa estatem: quod continua sanctæ conversatio novitatem probatur, quia noviter genita interpretatur. Cujus parentum nomina licet antiqua oblivio substraxerit; vere tamen constat, quod ex nobilissimo Israëlitarum genere pater ejus originem duxerit, ita ut de eadem tribu et parentela qua Dominus Christus processerit, ipse progenitus fuerit. Mater vero nihil minus soror germana b B. Oswaldi Regis et Martyris extiterit.

2 De quorum præclara stirpe haec florida propago-excrevit; quibus et ipsa non minori cultu Christiana religionis æquiparari potuit, et ubere virginitatis et martyrii fructu fertili resplenduit. Quæ dum in primæva ætate eleganti forma coævulas suas pulcræ et pia, omnes

S. Neophyta
nobilitate
genere
orta,

a

b